



23. november 2016

Inatsisartut suleriaasianni § 37 naapertorlugu matumuuna saqqummiuppakka apeqqutit makku:

Naalackersuisunut apeqqutit aningaasaqarneq namminersulivinnissarlu pillugit:

1. Naalackersuisut qanoq eqqarsaatigaat aningaasarsiornikkut pingaarnersuunissartik eqqarsaatigalugu pilersikkumallugu politikikkut namminiilivinnissaq?

2. Naalackersuisut isumaqarpat, Danmarkimit bloktilskudit ingerlaannarumaartut Kalaallit Nunaat Danmarkimit avissaassagalarpat? Akissut naamiuppat, taava Demokraatini Naalackersuisut qinnuigissavagut pivusorsiortumik erserseqqullugu taakku isertitat annaasassat qanoq taarserneqarniarnersut?

3. Tunguinermi ikiorsiissutit maannakkut atuuttut sorliit aamma/imaluunniit innuttaasut pisinnaatitaaffii sorliit Naalackersuisut piiarniarpaat imaluunniit sipaarfiginiarpaat, Kalaallit Nunaat Danmarkimit avissaassagalarpat?

4. Isertitat nutaat suut Naalackersuisut naatsorsuutigaat pilerumaartut namminersulivinnerup kinguneranik?

(Inatsisartunut ilaasortaq Randi Vestergaard Evaldsen, Demokraatit)

Tunggavilersuut:

Tunggaviusumik Inatsimmut isumalioqatigiisitaq pilersinneqarpoq suliarissallugu tunggaviusumik inatsisiliornissaq siunertaralugu Kalaallit Nunaatta Naalagaaffeqatigiinniit kaanngarnissaa.

Tamatuma peqataanik Aningaasanut Inatsit akuersissutigineqarpoq, ukiut sisamat tulliuuttut ingerlanerini 145 millioner koruuninik amingartooruteqartussa.

Allaut paasisaqariaqanngilaq, Naalackersuisut illuatungaani kissaatigaat namminersulivinnissaq aappaatigulli isumaqarput aningaasaqarneq ajornartorsiutaalernavianngitsoq. Tamatumani Demokraatini Naalackersuisut isumaqatiginngilagut. Isumaqarpugut pingaaruteqartoq nunami maani innuttaasut tunguiniikkut pisinnaatitaaffiisa piunnarnissaat aamma namminersulivinneq eqqunneqareerpat. Kissaatiginngilarput peqqinnissaqarfimmi akeqanngitsumik nakorsiarsinnaatitaanitta atorunnaarsinneqarnissaa, kissaatigaarput naleqqummik utoqqalinersiaqarnissarput, kissaatigaarput akeqanngitsumik ilinniarsinnaajuarnissarput, kissaatigaarput ilinniarnersiutit piginnarnissaat aamma allarpassuit taagorsinnaagalarpakka.

Kalaallit Nunaata naalagaaffittut namminersulivinnera suaarutigigutsigu, taava Danmarkimit bloktilskudisarisartakkagut 4 milliarder koruunit inulaarlugit amerlassusillit annaassavagut aamma nammineerluta akilertalissavagut immikkoortut assersuutigalugu politeqarneq aamma inatsisinik



atortitsineq. Mianersortunnguamik taggiigutta, maannakkorpiaq aningaasaqarnerput ukiumut 4-5 milliarder koruunik pitsanngoriartariaqassaaq, namminersulivinnissaq piviusorsiortuussappat.

Demokraatini akuerivarput periarfissaasoq takornariat amerlanerit takkuttalersinnaanissaat, aatsitassarsiortoqalerumaartoq aamma aalisakkanik nioqquteqarsinnaajumaartugut, kisianni piviusorsiornerunngilaq, isertitat taakkunaneersut ima amerlatigilerumaartut allaat ukiumut 4 aamma 5 milliarder koruunit akornanni amerlassuseqarsinnaallutik. Taamaattumik allatut ajornartumik Naalackersuisut aqutissanik allanik eqqarsartariaqartussaapput aningaasarpasuit pissarsiariumallugit.

Taamaattumik Demokraatinut innuttaasunullu pissanganarpoq paasissallugu, tungiuinermi ikiorsiissutit sorliit peerneqartariaqassanersut Naalackersuisut namminersulivinnissaq eqquppassuk. Naalackersuisut pissuserissaarlutik innuttaasunut oqaatigisariaqarpaat, politikikkut namminersulivinnissaq qanoq akeqassanersoq.

Apeqqutit akeqquneqarput ullut suliffiusut qulit iluanni.